

Exposiziun

# NUS ED ILS AUTERS

DAL PREGIUDIZI  
AL RASSISSEM

## Davart l'exposiziun

Sin 17 tavlas infurmescha l'exposiziun davart il rassissem, davart ses origin e davart la moda, co ch'el funcziuna. L'exposiziun fa ina punt davent da l'epoca da la sclavaria en l'America dal Nord, sur la participaziun economica ed intellectuala da la Svizra al colonialissem ed ils 600 uffants jenics, ch'ins ha prendì davent dals geniturs durant ils onns 1926 fin 1972, fin al moviment da Black Lives Matter. I dat da scuvrir respostas a dumondas, sco per exempel «Derivain nus propi tuts da l'Africa?» e «Pertge han personas differentas colurs da la pel?». Ultra da quai vegni mussà, ch'ils mecanissem dal rassissem existan er oz en nossa societad ed en nossas instituziuns – er sch'els n'èn savens strusch visibels – e ch'els chaschunan tractaments ineguals da minoritads. Discriminaziun e rassissem èn pia sfidas socialas per nossa societad. Lain discurren in cun l'auter davart quest tema ed ans engaschar cuminaivlamain per ina convivenza cun respect.

## Concepziun e realisaziun

L'exposiziun è vegnida concepida dal Musée de l'Homme Paris che appartegna al Musée

national d'Histoire naturelle da la Frantscha. Il Post spezialisà per l'integrasiun da migrantas e migrants e per la prevenziun dal rassissem IMR da Friburg ha adattà l'exposiziun a las relaziuns svizras. En collavuraziun cun il Museum d'art e d'istorgia da Friburg è vegnida elavurada in'exposiziun ambulanta. Sin iniziativa dal Post spezialisà per l'integrasiun dal Grischn vegn l'exposiziun ambulanta mussada da la primavaira 2023 fin la fin da 2024 en il Grischn en las versiuns linguisticas rumantsch grischn/tudestg e talian/tudestg.

## Gruppa en mira

L'exposiziun è concepida per scolaras e scolars dal stgalim superiur, da la scola media e da la scola professiunala sco er per personas creschidas.

## Lieus d'exposiziun

L'exposiziun vegn mussada en differents lieus en il Grischn e po vegnir visitada da la populaziun interessada. Las scolas superiuras, las scolas medias e las scolas professiunalas han la pussaivladad da reservar gratuitamain l'exposiziun.

## Infurmaziuns organisatoricas per las scolas

### 1. Transportar, installar e demontar l'exposiziun

Las tavlas da l'exposiziun vegnan transportadas, installadas e demontadas da la Lernstatt Känguruh, Cuir. L'installaziun e la demontascha duran mintgamai ina fin in'ura e mesa.

### 2. Temp d'exposiziun

Per regla vegn l'exposiziun preschenta da en mintga scola durant duas fin trais emnas. Tenor cunvegna po l'exposiziun er vegnir reservada per in temp pli lung.

### 3. Persuna da contact e coordinaziun da la visitas da las classas

La scola inditgescha ina persuna da contact che stat a disposiziun al Post specialisà per l'integraziun per dumondas organisatoricas. Plinavant è ella responsabla per coordinar las visitas da las classas e per manar ina statistica, ch'il Post specialisà per l'integraziun dovra per far evaluaziuns. Il model per la statistica è disponibel sin:



[www.integration.gr.ch](http://www.integration.gr.ch)

### 4. Introducziun per persunas d'instrucziun

Sin gavisch porscha il Post specialisà per l'integraziun a las persunas d'instrucziun ina introducziun online en l'exposiziun (ca. in'ura).

### 5. Material didactic

A las persunas d'instrucziun stattan a disposiziun gratuitamain in commentari didactic sco er fecls da lavur en furma electronica. Il material è disponibel sin:



[www.integration.gr.ch](http://www.integration.gr.ch)

### 6. Basegn da spazi

Quel è flexibel. Las 17 tavlas da l'exposiziun èn levas ed en concepidas cun ina tecnica da display e da bandieras (my-MAGO) ch'ins po dischlocar facilmain. Las tavlas èn stampadas mo d'ina vart ed han ina grondezza da 100x200cm. Ins las po per exempel installar per lung da parais ubain en in local d'exposiziun u en l'aula. Per l'installaziun a l'exteriur n'èn ellas betg adattadas.

**Vulais Vus savair dapli da l'exposiziun? Nossa collavuratura e noss collavuraturs sa legran da Vossas dumondas ed As dattan gugent ulteriuras infurmaziuns.**

**Tudestg**  
Donat Albin



[Donat.Albin@afm.gr.ch](mailto:Donat.Albin@afm.gr.ch)



081 257 30 09

**Rumantsch**  
Donat Albin



[Donat.Albin@afm.gr.ch](mailto:Donat.Albin@afm.gr.ch)



081 257 30 09

**Talian**  
Daniela Sutter



[Daniela.Sutter@afm.gr.ch](mailto:Daniela.Sutter@afm.gr.ch)



081 257 25 30